

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A

KANTONALNOM SUDU U ZENICI

- Sudiji za prethodno saslušanje-

Na osnovu člana 45. stav 2. tačka i), člana 241. stav 1. Zakona o krivičnom postupku Federacije Bosne i Hercegovine, **p o d i ž e m**

OPTUŽNICU

Protiv:

A.K. iz Tešnja,

Što je:

Za vrijeme oružanog sukoba u Bosni i Hercegovini, na području općine Tešanj, kao policajac Policijske stanice Tešanj, postupao protivno pravilima međunarodnog humanitarnog prava kršeći odredbe člana 3. stav 1. tačka a), člana 13. i člana 31. u vezi sa članom 147. Ženevske konvencije o zaštiti civilnog stanovništva za vrijeme rata od 12.08.1949.godine, tako što je mučio civilna lica Srpske nacionalnosti V.N., B.R. i M.R., nanoseći im teške fizičke i psihičke boli, pa je tako:

1. U junu mjesecu 1992. godine, u prostorijama tadašnjeg kafe bara u kojem su bile smještene prostorije Policijske stanice Tešanj, tokom višesatnog ispitivanja V.N., kojeg je osumnjičeni A.K. priveo, istog više puta ošamario i nekoliko puta njegovom glavom udario o zid, kojom prilikom su komadi fasade od siline udarca ostali u glavi istog, pri tom pitajući ga gdje krije naoružanje,

2. U julu mjesecu 1992. godine, u istim prostorijama, u koje je bio priveden B.R. na ispitivanje, istom vezao ruke policijskim liscama za stolicu na kojoj je sjedio govoreći istom da mu je najbolje da prizna našto je B.R. šutio, da bi tada osumnjičeni A.K. izvadio policijsku palicu i istom 10-tak puta udario B.R. po ramenima i butinama nakon čega je izašao iz prostorije u koju se vratio nakon 5 minuta, ponovo tražeći od istog da prizna, pa pošto nije dobio priznanje ponovo je udario palicom B.R., da bi ponovo napustio prostoriju u koju se ubrzo vratio držeći vreću napunjenu pijeskom kojom je udario istog po ramenima i butinama, nakon čega je izašao iz prostorije, da bi kada se u istu ubrzo vratio pitao B.R. da li poznaje M.R., i kada mu je isti odgovorio da mu je to rođak, osumnjičeni A.K. mu je rekao da je M.R. priznao da on ima 3 bombe i pištolj, nakon čega ga je udario pesnicom po licu, govoreći mu da prizna da je srpski specijalac,

3. U julu mjesecu 1992. godine, u prostorijama Odjeljenja Policijske stanice Jelah, smještenih u Domu kulture u koje je sa kolegom I.J. priveo M.R. na ispitivanje, istog na početku ispitivanja ošamario, te udario šakom u stomak, a potom nekoliko puta njegovom glavom udario u zid, što je sve trajalo oko pola sata, za koje vrijeme je više puta napuštao prostoriju, tražeći od M.R. da prizna da posjeduje bombe govoreći mu da je B.R. sve priznao.

čime je počinio krivično djelo ratni zločin protiv civilnog stanovništva iz člana 142. stav 1. preuzetog Krivičnog zakona bivše SFRJ.